

El Dorado

Musik: Simon Rösler, Mike Kremer

Text: Mike Kremer

Wenn de Sonn endlich opjeiht
un alles öm uns zo Jold weed,
sin mir vum Rausch wie benomme,
em Paradies anjekumme

un heh will niemand widder jonn

Dat es uns Johr, dat es uns Zigg
Dä Wäg zoröck es vill zo wigg
Dat es uns Johr, uns Zick, uns Augeblick
Schrei vür Freud un danz vür Glöck
Su en Chance wie hügg kütt nie zoröck

Rüsch, wie dä Duff üvver 't Land trick
un Minsche kumme vun janz wigg,
denn jeder well e Stöck affhan,
doch kritt och nur jet, wä schöppe kann

un heh will niemand widder jonn

Wenn sich dat Waade endlich lohnt,
us Angs un Zweifel weed jetz Mot,
denn zwesche Knoche, Sand un Dreck
litt Diamant un Jold versteck